



UCAPAN

YANG BERHORMAT MENTERI PEMBANGUNAN

SESI MUZAKARAH KEMENTERIAN PEMBANGUNAN DAN JABATAN-JABATAN  
DIBAWAH NYA BERSAMA AHLI-AHLI YANG BERHORMAT MAJLIS MESYUARAT  
NEGARA (MMN) TAHUN 2020

PADA

18hb September 2019

BERTEMPAT  
JABATAN KERJA RAYA  
KEMENTERIAN PEMBANGUNAN



Bismillahi rahmanir Rahim.

Alhamdulillahil rabbil alamin, wassalatu wassalamu ala asyrafil mursalin sayidinna  
Mohammadin wa'ala alihi wasahbihi ajamain.

Rabbi Syrahli Sadri WaYassirli Amri, wahlal ukhdatam milisani, yaf qahu qauli.

Yang Mulia, Dato Seri Paduka Ark. Awg Hj Marzuke bin Hj Mohsin, Timbalan  
Menteri Pembangunan,

Yang Berhormat Ahli-ahli Majlis Mesyuarat Negara;

Yang Mulia Setiausaha Tetap, Timbalan Setiausaha Tetap, Kementerian  
Pembangunan, Ketua Pengarah, Pengarah-pengarah, Ketua-ketua Jabatan,  
pegawai-pegawai kanan dan sekalian yang hadir

Assalamualaikum Warahmatullahi Wabarakatuh dan salam sejahtera

Alhamdulillah, syukur Kehadrat Allah Subhanahu Wata'ala, kerana diatas limpah  
kurnia dan izinNya jua, ketani dapat berjumpa di Sesi Muzakarah antara  
Kementerian Pembangunan dengan Yang Berhormat Yang Berhormat Ahli-Ahli  
Majlis Mesyuarat Negara pada pagi ini.

Seperti perjumpaan pada tahun-tahun yang sudah, Sesi Muzakarah ini merupakan  
satu platform atau landasan bagi Kementerian ini memberikan informasi terkini  
ataupun pendekatan serta pencerahan mengenai perkhidmatan, peranan dan  
tanggung-jawap Kementerian ini bagi memastikan kesejahteraan rakyat dan  
penduduk secara berterusan melalui penyediaan prasarana asas di samping  
mengongsikan inisiatif-inisiatif strategik yang disasarkan dan diselaraskan kepada  
pembangunan Negara khususnya dalam matlamat pencapaian Wawasan Brunei  
2035.

Peramba/kaola/saya berharap sesi kali ini bukan saja merupakan **a two way  
interactions** malahan ia juga dapat mengukuhkan lagi jalinan persafahaman dan

perhubungan (**connectivity**) diantara kedua pihak dimana, Kementerian Pembangunan yang banyak terlibat dalam memberikan perkhidmatan kepada orang ramai akan mengetahui lebih dekat lagi akan cita rasa dan aspirasi rakyat melalui dialog dan perbincangan di dalam permuzakarahannya ini. Ini lah satu cara kita dalam mencarta hala tuju Negara bagi menjamim kesinambungan Bangsa dan Negara yang berlandaskan kepada konsep Melayu Islam Beraja.

Petikan Titah Kebawah Duli Yang Maha Mulia Paduka Seri Baginda Sultan dan Yang Di Pertuan Negara Brunei Darussalam, sempena Hari Ulang Tahun Keputeraan Baginda yang ke-73 Tahun, iaitu: ....*"berada dalam zaman yang serba mencabar. Cabaran itu pula adalah pelbagai, perlu dihadapi dengan cara masing-masing. Cabaran dalaman kita adalah memastikan bahawa, kesejahteraan hidup rakyat dan penduduk dapat diwujudkan melalui pelbagai rancangan seperti rancangan memberikan perkhidmatan yang baik, penyediaan prasarana, yang merangkumi banyak bidang seperti kesihatan, pendidikan, perundangan, pembangunan, perhubungan dan lain-lain. Semua ini dihasratkan untuk menjamin kehidupan yang berkualiti"*.

Bagi menyahut Titah berkenaan, Kementerian Pembangunan perlu dan sentiasa bersedia memikul dan menjalankan amanah bagi memastikan kesejahteraan rakyat dan penduduk Negara ini terjamin melalui penyediaan prasarana dan pelan perancangan yang menyeluruh, termasuklah perancangan dalam meningkatkan mutu kualiti perkhidmatan yang sedia ada seperti urusan tanah, perancangan pembangunan, kawalan kemajuan, penyediaan perumahan dan sebagainya. Cabaran yang dihadapi perlu ditangani dengan cara holistik didalam sama-sama mencari solusi yang terbaik bagi kesejahteraan rakyat.

Ahli-ahli Yang Berhormat,

Melalui rangka tuju arah strategik 2018-2023 yang telah disediakan, Kementerian ini telah mengariskan pelan tindakan yang perlu diambil perhatian oleh Jabatan dan Divisyen masing-masing yang meliputi Enam (6) strategi utama:

i. **Strategi pertama** ialah Mengukuhkan dasar dan urustadbir: ini termasuklah mereview dasar-dasar yang difikirkan tidak lagi relevan dan tidak dapat diguna

pakai kepada dasar yang lebih peka kepada aspirasi dan keperluan orang ramai, memenuhi cita rasa dan keperluan semua.

ii. **Strategi Kedua** ialah mengadakan perancangan bersepadu serta meningkatkan koordinasi diantara Jabatan: melalui 'effective communication' dan perbincangan disemua peringkat jawatan termasuklah mengukuhkan rangkakerja kawalselia (regulatory framework) dengan mengemaskinikan undang-undang dan peraturan yang ada pada masa ini.

iii. **Strategi ketiga** ialah: Memanfaatkan teknologi maklumat didalam penyelarasan struktur operasi dan proses; iaitu sebagai memudah cara dan mempercepatkan proses permohonan, pengutipan hasil, pembayaran dan sebagainya untuk meningkatkan produktiviti kerja serta mengurangkan kos operasi.

iv. **Strategi keempat:** Mengoptimumkan sumber dan aset: merupakan fokus utama dalam membantu mengurangkan bebanan Kerajaan melaksanakan tugas dan tanggungjawab dengan menggunakan peruntukan yang disediakan secara berhemah dan mengikut keutamaan supaya ianya mencapai matlamat yang dihasratkan.

v. **Strategi kelima:** Memperluaskan rangkaian kerjasama dengan agensi berkenaan dan seterusnya meneroka kaedah PPP untuk mencapai keberkesanan dan cost effectiveness dalam pengurusan dan perlaksanakan projek seperti perumahan, infrastruktur jalan raya, air dan sebagainya.

vi. **Dan strategi keenam:** Menyokong pembangunan perniagaan tempatan sebagai tunggak bagi pertumbuhan industri pembinaan (Construction Industry).

Perancangan Strategik ini akan memberi **penekanan terhadap pencapaian atau performance based approach** Kementerian ini dalam pemberian perkhidmatan yang terbaik khususnya dalam meningkatkan kualiti kehidupan rakyat selaras dengan usaha untuk menyumbang kepada pertumbuhan ekonomi negara melalui pembangunan dan industri pembinaan.

Alhamdulillah hasil dari permuzakarah dan isu-isu yang dibangkitkan didalam Majlis Mesyuarat Negara yang lepas dengan mengambil kira pandangan dan idea idea dari Ahli-Ahli Majlis Mesyuarat, beberapa perkembangan dapat kita lihat pada masa ini, seperti projek-projek prasarana yang telah Ahli-ahli Yang Berhormat lawati kelamari seperti Projek Jalan Penghubung Tanah Jambu, Projek Jambatan Penghubung Daerah Brunei Muara dan Daerah Temburong, Kolam takungan dan juga berkesempatan melawat ke dua buah Jabatan, iaitu Jabatan Pekhidmatan Air Tasek Lama dan Jabatan Perumahan.

Bagi tahun ini seterusnya, usaha-usaha secara berterusan semata-mata untuk memenuhi kualiti kehidupan rakyat dan penduduk Negara sejajar dengan perancangan dan pelan tindakan strategik Kementerian Pembangunan akan memfokuskan kepada beberapa bidang utama bagi menangani isu-isu dan cabaran yang dihadapi pada masa kini. Aksesibiliti terhadap infrastruktur asas seperti perumahan, bekalan air bersih dan selamat, persekitaran yang bersih dan sanitasi mempunyai kesan langsung kepada kualiti kehidupan yang baik. Disinilah kita akan berkongsi maklumat dan mendengar pandangan dan buah fikiran dari Ahli-Ahli Yang Berhormat agar dapat mencapai 'outcome' yang holistic.

Ahli – Ahli yang Berhormat,

Pada sesi muzakarah kali ini, izinkan peramba/kaola/saya mengongsikan perancangan dan beberapa inisiatif Kementerian seperti berikut :

### **1. Pembangunan Socio Ekonomi**

Dari segi pembangunan socio ekonomi, dengan penyiapan projek jambatan penghubung Daerah Brunei Muara dan Daerah Temburong ini nanti akan membuka peluang bagi peningkatan socio-ekonomi terutamanya bagi peniaga dan perusahaan tempatan kita di Daerah Temburong.

Beberapa perancangan pembangunan jangka pendek, sederhana dan panjang telah pun dirancang oleh pihak Kementerian ini dengan kerjasama agensi-agensi yang berkaitan khususnya dalam menaiktaraf kawasan Bangar, Temburong. Inisiatif-inisiatif di bawah perancangan perkembangan Daerah Temburong dalam

bidang pelancongan dan perusahaan menuju kearah sebuah eco-smart district melalui Jawatankuasa Autoriti Kemajuan Daerah Temburong juga sedang dan akan dilaksanakan. Usaha-usaha ini InsyaAllah akan mengalakkan usahawan-usahawan tempatan untuk sama-sama bekerjasama dan berkongsi usaha dalam memajukan Daerah Temburong.

Dalam sektor Perkembangan Peniaga Tempatan dan Perkembangan Sektor Industri Pembinaan, antara inisiatif yang sedang dirancang ialah menyediakan satu laporan iaitu *Local Business Development Assessment Report* serta kriteria penilaian bagi Anugerah Kontraktor Cemerlang. Sehubungan dengan itu, Kementerian sedang meneliti semula Prosedur Pendaftaran Kontraktor dan Pembekal yang mana dijangka siap dan akan dikeluarkan pada penghujung tahun ini.

Usaha-usaha ini adalah bertujuan bagi mendokong seruan Kerajaan Kebawah Duli Yang Maha Mulia untuk meningkatkan peluang-peluang pekerjaan kepada anak-anak tempatan serta mengembangluaskan kemahiran latihan teknikal dan vokasional. Ianya juga diharap untuk terus membina bakat dan kepakaran anak tempatan dalam industri pembinaan serta menjadi pemangkin kepada pembangunan industri tempatan nanti.

Dengan adanya inisiatif-inisiatif ini adalah diharapkan akan dapat membangun kapasiti kontraktor tempatan selaras dengan hasrat Kementerian ini bagi mendokong kontraktor tempatan untuk bersaing diperingkat serantau dan antarabangsa dengan memastikan kontraktor dapat meningkatkan kualiti dan produktiviti industri binaan.

Dalam hal perancangan bandar dan desa serta hal Guna Tanah, pihak Kementerian telah mengenal pasti beberapa kawasan tapak tanah Kerajaan (Government Land Lease dan Infill) untuk dibukakan kepada pelabur-pelabur tempatan secara pajakan bagi tujuan pembangunan 'mixed development'. Ini termasuklah mengenal pasti beberapa kawasan kecil dengan kemudahan infrastruktur yang minima bagi mengalakkan Majlis-majlis Perundingan Kampong untuk membuat aktiviti-aktiviti keusahawanan di kawasan kampong masing-masing.

Dengan adanya inisiatif ini, pihak Kementerian mengharapkan penglibatan Ahli ahli Yang Berhormat dan ahli ketua-ketua kampong untuk sama-sama membantu anak-anak kampong berkecimpung dalam bidang keusahawanan yang boleh menyumbang kepada socio ekonomi negara.

## **2. Pembangunan Infrastruktur**

Peningkatan ketahanan serta perkembangan kemudahan infrastruktur bagi mendokong perkhidmatan yang berkesan kepada orang ramai juga menjadi fokus utama terutamanya dalam menjamin:-

### **a. Sekuriti Sumber Air dan Perkhidmatan Bekalan Air**

Permohonan bagi kajian kemungkinan bagi tujuan pengangkutan sumber air di Daerah Temburong (transboundary water) ke Daerah Brunei Muara adalah termasuk dalam perancangan Kementerian ini dibawah sektor kemajuan infrastruktur. Usaha ini adalah bagi mendokong tambahan bekalan air ke Daerah Brunei Muara yang mana di sasarkan sebagai satu kontigensi bekalan air Negara jangka panjang. Selain dari usaha penggantian paip air dan usaha bagi menurunkan masalah kebocoran (Non Revenue for Water) di sebabkan oleh sebahagian sistem paip air yang sudah lama dan mengalami kekerapan kebocoran, kajian kemungkinan ini akan dapat menyumbang kepada pencapaian pelan tindakan bagi memenuhi pelan strategi pihak Kementerian dalam menjamin bekalan air yang berterusan. Kementerian Pembangunan juga mengambil maklum akan keluhan orang ramai mengenai kekerapan gangguan dan penutupan bekalan air dan mengambil masa yang panjang untuk diperbaiki. Walaupun perkara ini memang tidak dapat dielakkan tetapi pihak Kementerian akan berusaha menangani perkara ini secara berterusan dari masa kesemasa.

Mengenai dengan cadangan pemasangan smart prepaid meter, pada masa ini ianya dalam penelitian untuk dilaksanakan secara berperingkat-peringkat bermula pada penghujung tahun ini; ianya adalah bertujuan bagi mengalakkan penggunaan air secara berhemah. Ini juga adalah bagi menangani isu bebanan tunggakan air yang berlanjutan yang dihadapi oleh Kementerian pada masa ini. Beberapa

usaha lanjut dalam peningkatan polisi, teknologi dan perubahan minda juga sedang diungkayahkan bagi mempraktikkan penjimatan dalam penggunaan air.

## **b) Perumahan**

Dalam usaha mencapai matlamat Wawasan 2035 dalam meningkatkan peratus pemilikan kediaman sebanyak 85% dan bagi memastikan Skim Perumahan Negara dapat berdaya tahan, pihak Kementerian Pembangunan bersama agensi-agensi Kerajaan yang berkenaan sedang merumus pensejajaran program bantuan perumahan secara holistik dan integrasi dengan agensi-agensi Kerajaan dan seterusnya mengkaji alternative perkongsian awam-swasta yakni 'Public Private Partnership' (PPP) ke arah mengurangkan kos pebelanjaan program RPN dan konsep 'commercialisation' juga turut giat dilaksanakan bagi mendukung kegiatan sosioekonomi negara.

Pada masa ini, pihak Kementerian telah pun bekerjasama dengan pihak GLC Kementerian Kewangan dan Ekonomi – iaitu P-kiub bagi sama-sama membincangkan tatacara kaedah PPP bagi projek perumahan yang mana insyaAllah akan dilaksanakan pada penghujung tahun 2019 ini. Bagi perumahan H40 pula, penyediaan garispandu dan perjanjian kediaman sedang dalam progress penyiapan untuk di bukakan kepada pemohon-pemohon Skim Perumahan Negara yang layak.

## **3. Isu Alam Sekitar**

Pembersihan Sungai Brunei juga turut menyumbang kepada pengawalan isu global 'marine debris' dengan penglibatan dari semua lapisan masyarakat. Melalui usaha Jabatan Alam Sekitar, Taman dan Rekreasi, Alhamdulillah pertukaran minda terutamanya di kalangan golongan muda telah mencapai pendekatan yang positif dalam sama sama menjaga dan menjamin kebersihan dan keindahan negara. Ini dapat dilihat dari penglibatan semua pihak termasuk pihak swasta dan NGO's dalam sama-sama menguatkan kesedaran orang ramai untuk melibatkan diri bagi membuat perubahan.



Keberkesanan usaha perubahan minda Melalui inisiatif 'Setiap Hari Tanpa Beg Plastik' yang bermula dari 1 Januari 2019 dan penaikan cukai sebanyak 3% terhadap pengimportan produk-produk plastik, telah dapat dilihat dan usaha ini sedang dilartkan ke semua pihak lapisan perniagaan terutamatsekali kedai kedai runcit dan vendor makanan.

Usaha melindungi dan memelihara alam persekitaran perlu selaras dengan perkembangan Revolusi Industri 4.0. dimana negara perlu meningkatkan kecekapan dalam pengurusan alam sekitar secara bersistematik. Kearah ini penekanan kearah putaran ekonomi atau circular economy perlu diberi perhatian khusus supaya negara kita tidak ketingalan dari segi teknologi yang bolih menanggapi isu-isu alam sekitar. Penglibatan dari pelbagai pihak dan sektor memainkan peranan yang penting bagi sama-sama mendokong Matlamat Wawasan Negara 2035 dimana perlindungan alam sekitar adalah termasuk dalam salah satu tanggungjawab Kementerian Pembangunan sepertimana yang dinyatakan dalam pelan strategik 2018-2023 iaitu untuk mencapai pembangunan yang seimbang dalam aspek-aspek sosial, ekonomi dan alam sekitar di Negara ini bagi menjamin generasi hari ini dan masa depan.

#### **4. Industrial Revolution 4.0**

Kementerian Pembangunan juga bertanggungjawab didalam mendokong Majlis Ekonomi Digital yang dipengerusikan bersama oleh Menteri Pengangkutan dan Infokomunikasi dan Menteri Tenaga, Tenaga dan Tenaga Manusia dan Perindustrian untuk mendokong kearah hasrat negara sebagai *Smart Nation*.

Sebagai langkah ke arah ekonomi digital, pihak Kementerian pada masa ini sedang merebiu pelan strategik Kementerian khususnya untuk menjadikan Kementerian ini sebagai "*Smart MOD*" iaitu dengan mengenalpasti perkhidmatan yang sedia ada boleh diintegrasikan dan seterusnya didigitalkan bagi memudahcara proses permohonan.

Perkhidmatan digital di Kementerian Pembangunan masih ditahap minimal yang mana orang ramai boleh memilih untuk menghadapkan permohonan ke kaunter perkhidmatan. Oleh yang demikian, sebagai langkah pertama untuk menjadikan

*Smart MOD*, pada masa ini, pihak Kementerian sedang mengenalpasti perkhidmatan yang ada untuk disatukan dalam satu aplikasi yang mana orang ramai boleh menggunakannya dengan satu click sahaja. Ini bukan saja memudahkan Kementerian dalam mengutip bayaran, ianya juga akan menyenangkan orang ramai untuk membuat permohonan dan transaksi dengan semua Jabatan-jabatan di Kementerian ini.

## **PENUTUP**

Kementerian Pembangunan akan sentiasa bersedia memikul amanah di dalam memastikan kesejahteraan rakyat dan penduduk adalah terjamin melalui penyediaan prasarana dan pelan perancangan yang menyeluruh.

Ini adalah termasuk perancangan dalam meningkatkan mutu kualiti perkhidmatan yang sedia ada seperti yang peramba/kaola/saya sebutkan tadi.

**SEKIAN** itu saja yang dapat dikongsikan dan semoga permuzakarahannya kita pada pagi ini akan memberikan hasil yang dihasratkan dan dapat menanam semangat dan usaha perpaduan dalam usaha kita sama-sama mencapai kearah visi negara 2035.

**Wabillahitaufikwassalamualaikumwarahmatullahhiwabarakatuh.**